

Kukkussuteqartoqarsimanera qanoq ilillutit uppernarsarsinnaaviuk?

Peqqinnissaqarfiup Napparsimasut Sullinneqarneranni Maalaaruteqartarfianut naammagittaalliuteqarnermut atatillugu taarsiivigineqarnissamik piumasaqartarneq nalinginnaavoq. Periutsip tamatuma iluaqutigaa peqqinnissaqarfik eqqortumik sullissisimanersoq Maalaaruteqartarfimmit akeqan-ngitsumik inatsisinullu pituttorsimasumik aalajangiiffigineqartarmat. Tamanna peqqinnissaqarfiup kukkussuteqarsimasinnaanerata qanoq ittuussusianik annertussusianillu paasinninnissamut tamatigoruinnangajak aallaaviulluarterpoq.

Taamaattumik naammagittaalliuteqarninnut atatillugu taarsiivigineqarnissamik piumasaqarsinnaavutit uunga nassiunneqartussamik:

Nunatsinni Nakorsaaneqarfik

Postboks 120, 3900 Nuuk

Oqarasuaat: 34 51 92 – Telefax: 32 51 30

Maalaaruteqartarfimmut qanoq ililluni naammagittaalliortoqartarneranik ilitsersuut una atuarsinnaavat ” *ima naammagittaalliorsinnaavutit Peqqinnissaqarfiup Napparsimasut Sullinneqarneranni Maalaaruteqartarfianut* ”

Suliassat pisoqalisarnerat

Kukkusumik suliarineqarsimanerup ajoqutigilersimasavillu attuumassuteqarnerisa paasineraniit ukiut tallimat qaangiutereersimappata taarsiivigineqarnissamik piumasaqarnissamut suliassaq pisoqalereersimassaaq. Taamaattumik kukkusumik suliarineqarsimaneq paasineqarniariarpat taarsiivigineqarnissamik piaartumik piumasaqarnissaq pingaaruteqartarpoq.

Ima piumasarisinnaavat

Peqqinnissaqarfimmit taarsiivigitinnissaq

**Peqqinnissamut tunngassuteqartuni
naammagittaalliuteqarnissamut ilitsersuut**

Ilaqutariinnermut Peqqissutsimullu
Naalakkersuisoqarfimmit 2008-mi
saqqummersinneqartoq

Taarsiivigineqarnissamik peqqinnissaqarfimmuq piimasaqarsinnaavutit

Peqqinnissaqarfiup akisussaaffigisaanik kukkusoqarsimanera pissutigalugu aningaasatigut annasaqarsimaguit taarsiivigineqartussaavutit. Kukkuq akisussaaffigineqassaaq peqqinnissaqarfiup kukkusumik suliarlutit imaluunniit allatigut sumiginnaarlutit ajoqusersimappatit.

Aningaasatigut annaat qanoq ittut taarsiivigeqquneqassapat?

Aningaasatigut annasaqarsimanerit uppersarsinnaagukku aatsaat taarsiivigineqarsinnaavutit. Annaaat makku taarsiivigineqarnissaannik piimasaqarsinnaavutit:

- Sulilluni aningaasarsissaraluanik annasaqarnikkut
- Ataavartumik ajoqusernikkut
- Sulisinnaassuseq appariarsimappat annasimagaanniluunniit
- Toqusoqarneratigut pilersuisorsaq annasimagaanni
- Kukkusumik suliaritinnerup malitsigisaanik peqqinnissaq pillugu aningaasartuutigisimasat annasalluunniit allat

Aammattaq ajoquserneqarnerit pillugu taarsiivigineqarnissamik piimasaqarsinnaavutit kukkuq pisariaqanngitsumik napparsimallutit angerlarsimasariaqarninnik nassataqarsimappat.

Tamatuma saniatigut misissorneqarnermut, suliaritinnermut il.il. atalilugu iluaagusuutit annaatilluunniit pillugit ajunngitsorsissannik il.il. peqqinnissaqarfik tunniussisinnaanngilaq.

Taarsiivigineqarsinnaatitaanermut killiliissutit

Kukkussuteqarnerup naatsorsuutigineqarsinnaanngitsumik imaluunniit nalaatsortumik malitsigisaanik annaasanut ajoqusernnulluunniit taarsiivigineqarsinnaanngilatit.

Aamma maluginiassavat taarsiivigineqarsinnaatitaanerit tamakkiisumik ilaannakortumilluunniit annasinnaagakku annasaqarnerpit / ajoqusernerpit ilaa nammineerlutit pisuussutigisannik pisimassappat, imaluunniit annasaqarnissat killilersimaarniarlugu qanoq iliuseqarsimanngikkuit. Ajoqusernermut ataatsimut marloriaammik taarsiivigineqarsinnaanngilatit. Assersuutigalugu sulillutit aningaasarsissaraluanik annaatit sillimmasiisarfik aqqutigalugu taarserneqarsimappata annasavit peqqinnissaqarfimmittaaq taarserneqarnissaat piimasaqaatigisinnaanngilat. Namminersortumut suliaritissimaguit, soorlu kigutit nakorsaannut, tagiartuisartumut, isilerisumut, tarnip pissusiinik ilisimasalimmuq il.il. pisortanit taarsiivigineqarnissannik piimasaqarsinnaanngilatit. Taamaattoqartillugu namminersortumut suliaritiffinnut saaffiginnissaatit

Qanoq iliorlutit taarsiivigineqarnissamik piimasaqassavit?

Taarsiivigineqarnissamik qinnuteqarsinnaavutit uunga allallutit:

Ilaqutariinnermut Peqqissutsimullu Naalakkersuisoqarfik

Postboks 260, 3900 Nuuk

Oqarasuaat: 34 50 00 – Telefax: 32 55 05

Taarsiivigineqarnissamik piimasaqaatip imarissavai aningaasartuutit taarsertinniakkavit naatsorsuutaat, aningaasartuutit taakku maannakkut naatsorsorneqarsinnaassappata. Periarfissaqarpat aningaasartuutit taarsertikkusutavit uppersaataat ilanngullugit nassiatissavatit.